

條茂盛華果煌煌人所希見心不忍伐不伐者則違王命病不消愈伐之者中心隱隱蹶躄徘徊不知云何樹神便於空中言使伐之但置其根耳伐已以人血塗之肝腸覆其上樹自當生還復如故使者聞神言如此便令人伐之窮人住在樹邊樹憚地枝擣殺窮人使者便與左右議言向者樹神言當得人血肝腸以祠樹心爲慚然不知當以誰賽此此人今死便以當之則屠割取其肝血如神所勑樹即更生車載所伐樹以還國中醫即進藥王病得愈舉國歡喜王命國中人民其有病者皆詣宮門王出香藥給之病皆得愈王身康寧黎民無病舉國忻忻遂致太平阿難退坐誓首質言是窮人何無返復違樹神重誓佛報曰乃往昔惟衛佛時有父子三人其父奉五戒行十善持八關齋未曾懈怠大兒常於中庭空中燒香供養十方諸佛小弟愚癡不知三尊輒以衣覆香上兄謂言此大重

何以犯之弟起惡意誓言斷兄兩足兄復起念當拍殺弟父言汝二子諍使我頭痛大兒報言願破我身爲藥令父平損口不可妄故卅卅受罪弟興惡意欲斷兄足後果將人往斷樹兄欲拍殺弟今作樹神果因樹爲體拍殺弟時國王頭痛者其父也奉齊精進故得尊貴時言使我頭痛後果頭痛各受其殃佛言罪福報應如影隨形佛廣爲說身口意戒迦羅越則向須陀洹迹率將妻子以家資寶上佛各發道願佛說竟迦羅越歡喜作禮士

栴檀樹經

學四

頰多和多耆經

失譯今附西晉錄

聞如是一時佛在為耶國時有多樹木處與衆比丘僧俱比丘有五百人月十五日盛滿時夜半寂然安靜比丘僧自相難問時栴檀

調弗天人持天形狀威神光耀來直前趣佛至佛前已悉脫身上珍寶著一面但被一領衣前以頭面著佛足禮畢問佛言諸可過去佛正覺弟子有經名類多和多耆經佛弟子今亦復說是類多和多耆經願佛爲我說是經當使弟子奉持佛默然不應而栴檀調弗聳首而却坐佛即爲比丘僧說經言我爲若說頗多和多耆經皆聽著心中念之勿得忘比丘言願佛說我皆當受經戒佛言布施有八事何謂爲八愚癡人布施但布施不知其恩善所在既布施不達世間無有常癡人持作常世間苦無極愚人持作樂世間所有愚人言是我所有可常得世間人皆顛倒不淨臭處惡露愚人用作好不知作善得善作惡施與得道者其福不可量佛告諸比丘何以知愚人不知布施有十因緣何等爲十愚人布施爲尊自用不與者得善愚人不以至心

施與人也愚人旣施與人時不敬重不自手與傳教人與施人不久欲望其福不即得其福者自用云其福愚人施與佛辟支佛阿羅漢不能自知其福大愚人施與不信佛辟支佛阿羅漢阿那含斯陀含須陀洹皆用爲棄捐無有後生愚人施與但欲得名字欲使人稱譽是爲愚人布施佛說經已栴檀調弗及諸比丘皆歡喜前爲佛作禮

佛說頗多和多耆經

五王經 十二 學四

鞞俗作晃_反粗中古_反稠酪_{上直留反}凝蘇上魚陵反_{下正作酥}𦵭卷_{音伯}力反下了上鳥下音裁音曉_{物反}下燥先老拆丑_反𦵭時_反摸莫_胡𢎴直他上真_反𢎴弓上形_反𢎴

出家功德經

鞞步迷慄然上七
反愁憤妹不身披被

栴檀樹經

下音

一餅餅下音
憚地憚地
武忻許斤

十三末

頰多和多耆經

頰於割首渠夷棄捐下音弃

十三末